

GINNAZIJA

DECEMBAR

ŠK. 2025/2026.



Gimnazija „Meša Selimović“ Tuzla Kontakt:

- Adresa: Dr.Tihomila Markovića bb, 75 000 Tuzla
- Telefon: +387 35 247 630
- E-mail: gmsztz@montk.gov.ba
- www.gmsztzstud.com www.gmsztz.com.ba
- Fb: Gimnazija „Meša Selimović“
- Instagram: [gms_tz](https://www.instagram.com/gms_tz)
- YouTube: GMS Tuzla

IMPRESUM

Izdavački savjet:

- Minela Spahić, direktorica
- Mirela Šehović, prof.
- Almira Mešić, prof.

Glavni i odgovorni urednici:

- Mirela Šehović, prof.
- Minela Spahić, direktorica
- Almira Mešić, prof.

Novinarsku sekciju vodi:

- Almira Mešić, prof.

Digitalne novine vodi:

- Mirela Šehović, prof.

Lektor:

- Almira Mešić, prof.

Tehnički urednici:

- Mirela Šehović, prof.
- Majra Šabanović, učenica

Izdavač i štampa:

- GIMNAZIJA „MEŠA SELIMOVIĆ” Tuzla 2025/2026.god.

Članovi novinarske

sekcije:

- Amina Žilić IVb
- Asja Azabagić IIIa
- Emina Hasanbegović IVd
- Uma Hadžiefendić IVd
- Emir Mujezinović IIIId
- Ena Mehičić IVd
- Ismihana Brkičević IIIa
- Berina Maglić IVg
- Lamija Karabegović IIIId
- Lejla Ahmetović IVb
- Leona Simić IIIId
- Mirna Nikolić IVb
- Nadja Razić IIIa
- Melika Bajrica IIIa
- Nejra Smajić IVg
- Mia Lovrić IIIf
- Nensi Kadribašić IIIf
- Uma Tihić IIId
- Sarah Kapidžić IVd
- Sarah Nišandžić IVd
- Vildana Zelenturović IIIa
- Emil Sabitović IVf
- Luna Čajić IIIb
- Tajra Kapidžić Ia

REDAKCIJA

Članovi digitalnih novina:

- Mia Lovrić IIIf
- Nela Jaganjac IIIf
- Elma Bećirović IIIf
- Nensi Kadribašić IIIf
- Majra Altumbabić IIIf
- Alema Mešanović IIIf
- Ema Mešković IIIf
- Majra Šabanović IIIf
- Delila Bošnjaković IIIf
- Ajla Osmanović IVF
- Ajla Kunosić IVF
- Aida Delić IVF

SADRŽAJ

- UČENIČKI KUTAK _____ 4
- ANKETA _____ 6
- AKTUELNOSTI _____ 11

UČENIČKI KUTAK



NEJLA KOZAREVIĆ

**TARIK
HADŽINURBEGOVIĆ**



UČENIČKI KUTAK

Samo nekoliko riječi

Sve od radosti,
Do najveće tuge,
Od mrklog mraka,
Do boja duge,

Od usamljenosti bez kraja,
Pa do toplog zagrljaja,
Sve ovo možeš postići,
I to uz samo
Nekoliko riječi.

I sve od zemlje,
Do ptičijeg leta,
Sve što voliš,
I što ti najviše smeta,

I najdražeg prijatelja
Lako ćeš steći,
Treba ti samo
Nekoliko riječi.

Emina Jahić Id

ANKETA

UČENIK:

DANIS DŽAFERAGIĆ

1. Recite par riječi o sebi?/ Kako biste opisali sebe?

Svi koji me poznaju znaju da su nauke, a posebno matematika, oduvijek moj svijet. Još od malih nogu fascinirale su me svojom preciznošću i savršenom logikom, jer u matematici svaki problem ima svoje tačno određeno mjesto. Uživam u izazovima koje pruža rješavanje kompleksnih zadataka, ali podjednako volim i svijet riječi kroz engleski jezik i kreativno pisanje na maternjem jeziku, gdje mašti dajem krila. Marljiv sam i znatiželjan, uvijek u potrazi za novim spoznajama i načinima da spojim analitičko razmišljanje s kreativnošću. Vjerujem da upravo u toj ravnoteži leži ljepota učenja i stvaranja.

2. Zašto ste odabrali ovu školu?

Odabrao sam Gimnaziju "Meša Selimović" jer sam želio upisati školu koja pruža široku i čvrstu osnovu znanja, što mi je bilo važno kako bih u budućnosti mogao svjesno odabrati fakultet i poziv kojim ću se baviti. Gimnazija ima odličnu reputaciju, a njen program mi je omogućio da razvijem matematičke i jezičke vještine te da istražujem mnoga druga područja. To mi je pomoglo da bolje upoznam svoje interese i sposobnosti, ali i otkrijem nove.

3. Šta za vas znači uspjeh?

Mnogi misle da je uspjeh samo niz dobrih ocjena ili nagrada na takmičenjima. To je svakako znak da zaista dajem svoj maksimum i da idem pravim putem, ali pravi uspjeh je onaj trenutak kada svojim znanjem i trudom mogu doprinijeti nečemu što ima stvarnu vrijednost. Fascinira me matematika jer je ona univerzalni jezik kojim se može opisati svijet: precizan, logičan i savršen u svojoj strukturi. Ona je temelj svakog izuma koji nam život čini lakšim. Isto tako, divno je čuti da ljudi emotivno reaguju na moje literarne radove. Tada osjećam jedinstvo koje nam odavno nedostaje i spoznajem koliku moć imaju riječi u povezivanju ljudi. Taj osjećaj ljudskosti i empatije daje mi nadu u bolje sutra. Volio bih da moj rad bilo kroz nauku ili kreativnost, ima sličan učinak: da unesu red, ljepotu ili korist u svijet koji često izgleda haotično. Uspjeh je za mene sposobnost da svojim djelovanjem ostavim pozitivan trag i pomognem zajednici da postane bolje mjesto - korak po korak, dan po dan.

4. Kako provodite svoje slobodno vrijeme?/ Koliko vremena na dan izdvojiš za sebe i kako ga provodiš?

Slobodno vrijeme volim provoditi njegujući različite strane svoje ličnosti. Dio vremena, naravno, posvetim matematici i izazovima koji mi pomažu da razmišljam precizno i logički, a dio kreativnom pisanju kroz koje izražavam osjećaje i ideje. Ipak, vjerujem da je ključ uspjeha u balansu između rada i odmora. Jednako cijenim trenutke introspekcije i one ispunjene druženjem - bilo da je riječ o izlascima sa prijateljima, vremenu provedenom s najmilijima ili uživanju u umjetnosti, kada samo promatram svijet oko sebe i povezujem se sa sobom. Kako bih se osjećao ispunjenim, trudim se biti i fizički aktivan, pa često odlazim u teretanu ili u duge šetnje. Ti mali trenuci ravnoteže daju mi mir, inspiraciju i energiju da svakodnevno rastem i istražujem.

ANKETA

UČENIK:

DANIS DŽAFERAGIĆ

5. Šta te motivisalo da se prijaviš na takmičenje?

Motivacija za takmičenja počela je još u osnovnoj školi, kada su me roditelji ohrabrivali da prihvatim nove izazove. Ubrzo sam otkrio da zaista volim ono što radim i da me ispunjava rješavanje problema i istraživanje novih ideja. Takmičenja su mi pružila priliku da proširim vidike, testiram svoje sposobnosti i učim od drugih, a sve to me još više motiviralo da nastavim razvijati svoje interese i vještine. Važno je da svaki učenik zna da na takmičenjima ne treba previše razmišljati o poređenju s drugima ili o samim rezultatima, već treba koristiti svoju ljubav prema predmetu kao glavnu motivaciju. Pravi užitak je u procesu učenja, rješavanju problema i širenju vlastitih vidika, dok su osvojeni bodovi ili medalje samo dodatni bonus.

6. Da li si imao/imala podršku nastavnika/porodice?

Da, zahvalan sam što sam uvijek imao veliku podršku i roditelja i nastavnika. Njihova ohrabrenja, savjeti i spremnost da uvijek pruže pomoć učinili su da se svaki izazov lakše savlada i da se osjećam sigurno dok istražujem i učim. Takvo okruženje, u kojem se znanje i trud cijene, iznimno je važno jer motiviše, gradi samopouzdanje i podstiče želju za rastom još od malih nogu. Svijest da nisam sam i da postoje ljudi koji vjeruju u mene, dala mi je snagu da se upustim u izazove i da uživam u učenju, bez ikakve sumnje ili straha.

7. Planiraš li učestvovati na novim takmičenjima? (na takmičenjima i ove školske godine)

Da, planiram nastaviti s takmičenjima i ove godine i veoma se radujem svim izazovima koji me čekaju. Za mene to nije samo borba za bodove ili medalje, već prilika da učim, testiram svoje sposobnosti i istražujem nove ideje. Svaki zadatak je prilika da se usavršim, da proširim horizonte i da se još više zaljubim u ono što radim. Najviše volim osjećaj kada se potpuno posvetim problemu ili kreativnom izazovu. Tada zaboravim na vrijeme i jednostavno uživam u procesu, a upravo mi taj entuzijazam daje snagu i motivaciju da nastavim dalje.

8. Kako bi opisao svoje takmičarsko iskustvo?

Iskustvo na takmičenjima u početku je bilo pomalo zastrašujuće. Suočiti se s novim zadacima, nepoznatim pravilima i pritiskom da se pokaže najbolje od sebe, znalo je biti naporno i izazovno. Ipak, kako sam se upuštao u svaki problem, učio iz svojih grešaka i primjenjivao znanje na nove situacije, sve je postajalo nevjerovatno uzbudljivo. Najviše me oduševljavalo to što sam mogao testirati svoje sposobnosti, proširiti horizonte i razvijati vještine na načine koje u školi ne bih uvijek u potpunosti iskusio. Ono što je počelo kao pomalo zastrašujući izazov, završilo je kao iskustvo koje me je oblikovalo, motivisalo i otvorilo mi vrata za nove ideje i projekte.

ANKETA

UČENIK:

DANIS DŽAFERAGIĆ

9. Šta bi poručio/poručila učenicima?

Budućim učenicima bih poručio da se ne boje izazova i nepoznatog. Često je upravo strah ono što nas sputava, a oni koji ne pokušaju nikada neće rasti niti razviti svoje sposobnosti. Vjerujem da je ključno prihvatiti izazove s radoznalošću i hrabrošću, učiti iz svojih grešaka i uživati u svakom koraku procesa. Svaka prepreka je prilika za napredak i otkrivanje talenata i strasti. Ako se usudite iskusiti stvari koje vas fasciniraju i trudite se dati najbolje od sebe, otkrit ćete da sposobnosti kojih niste bili ni svjesni znali mogu izaći na vidjelo. Učenje i osobni rast nisu uvijek laki, ali upravo kroz njih dolazimo do najvrijednijih spoznaja i iskustava. Ne dozvolite nikome da vas sputava ili zaustavi na putu ka ostvarenju vaših snova. Ako budete vjerovali u sebe, shvatit ćete da je sve što se činilo nemogućim zapravo ostvarivo i da je samo nebo granica.

10. Navedi nam nivoe takmičenja na kojima si učestvovao/la i osvojena mjesta.

Matematika: školsko takmičenje, 1. mjesto; kantonalno takmičenje, 3. mjesto

Engleski jezik: školsko takmičenje, 1. mjesto; kantonalno takmičenje, 1. mjesto

Bosanski, hrvatski i srpski jezik i književnost: školsko takmičenje, 1. mjesto; kantonalno takmičenje, 4. mjesto

Biosigurnost i biozaštita: kantonalno takmičenje, 1. mjesto; državno takmičenje, 1. mjesto; međunarodno takmičenje, 2. mjesto i srebrna medalja

Literarni konkurs povodom Dana državnosti (SABNOR TK): 1. mjesto

ANKETA

UČENIK:

NEJLA KOZAREVIĆ

1. Recite par riječi o sebi?/ Kako biste opisali sebe?

Ja sam Nejla Kozarević, imam 16 godina i učenica sam drugog razreda Gimnazije „Meša Selimović“. Kreativna sam i veoma posvećena stvarima koje volim. Smatram da sam uporna i ne želim se unaprijed ograničiti na ono što „mogu“ ili „ne mogu“ a da barem ne pokušam. Trudim se biti fleksibilna i radim na disciplini kako bih uvijek mogla ostvariti svoj maksimum.

2. Zašto ste odabrali ovu školu?

Odabrala sam ovu školu jer predstavlja odličnu pripremu za gotovo svaki fakultet. Pošto sam prilično svestrana i zanimaju me različita područja, nisam se mogla odlučiti za jedan uski pravac, pa mi se gimnazija učinila kao najbolji izbor za moje potrebe i interese.

3. Šta za vas znači uspjeh?

Za mene uspjeh nije samo dobar rezultat, već osjećaj da sam dala svoj maksimum. Uspjeh ne mora uvijek biti iscrpljujući — dovoljno je znati da smo se potrudili koliko je u datom trenutku bilo moguće. Često ćemo se naći u situacijama u kojim naši rezultati nisu vidljivi uprkos trudu, ali upravo zato ne treba postavljati nerealna očekivanja niti stvarati nepotreban pritisak.

4. Kako provodite svoje slobodno vrijeme?/ Koliko vremena dnevno izdvojiš za sebe i na koji način ga provodiš?

Slobodno vrijeme najčešće provodim baveći se kreativnim radom. Ako uspijem pronaći sat ili dva u toku dana, najradije ga iskoristim slikajući i slušajući muziku. To mi je omiljeni način da se opustim i odmorim misli. Također, veoma me odmara vrijeme provedeno s prijateljima i dragim osobama

5. Šta vas je motivisalo da se prijavite na takmičenje?

Još u osnovnoj školi sam učestvovala na takmičenjima, pa mi taj koncept nije bio nepoznat ni u srednjoj školi. Zahvaljujući profesorima koje su prepoznale moj potencijal, dodatno sam se zainteresovala za rad. Najveća motivacija bila mi je sama činjenica da je i samo učešće već uspjeh i da se ne trebam opterećivati velikim očekivanjima.

6. Da li si imao/imala podršku nastavnika/porodice?

Da, uvijek sam imala podršku roditelja koji su me podsticali da idem na dodatne nastave i pokušam. To mi je prešlo u naviku i u srednjoj školi, gdje mi se javila želja za dodatnim znanjem. Zahvaljujući njima, ali i nastavnicama koje su mi pomogle u pripremama, osjećala sam se sigurnije i spremnije.

ANKETA

UČENIK:

NEJLA KOZAREVIĆ

7. Planiraš li učestvovati na novim takmičenjima? (na takmičenjima i ove školske godine)

Da. Trenutno pohađam dodatnu nastavu iz matematike i fizike i voljela bih ostvariti zapažen rezultat. Također sam članica likovne sekcije i namjeravam se ponovo prijaviti na takmičenja iz te oblasti.

8. Kako bi opisala svoje takmičarsko iskustvo?

Ne volim na takmičenja gledati kao na stresna iskustva, iako ona to često znaju biti. Pošto loše radim pod pritiskom, trudim se ostati smirena. Tu mi najviše pomaže svijest o tome da je i sam dolazak do toga nivoa uspjeh, te da je i samo učešće vrijedno. Također, dobra priprema i redovno ponavljanje pomažu mi da zadržim tu sigurnost. Mislim da takmičenja mogu biti vrlo zanimljiva iskustva i odličan način da testiramo svoje sposobnosti.

9. Šta bi poručio/poručila učenicima?

Drugim učenicima bih poručila da pokušaju učestvovati u onome u čemu su dobri, bez postavljanja nerealnih očekivanja. Takmičenja, uz dobru pripremu, donose lijepa iskustva i vrijedna sjećanja. Nikada se nisam pokajala zbog nečega što sam pokušala, čak i kada nisam bila potpuno sigurna u sebe — jer je uvijek bolje pokušati nego kasnije žaliti za propuštenim prilikama.

10. Navedi nam sve nivoe takmičenja za svaki predmet na kojima si učestvovao/la i koje si mjesto osvojio/la.

Školska takmičenja:

- 1. mjesto iz likovne kulture,
- 2. mjesto iz matematike.

Kantonalna takmičenja:

- 3. mjesto iz likovne kulture,
- 7. mjesto iz matematike.

AKTUELNOSTI

1. 12. 2025. ·

3. mjesto u finalu Gradskog takmičenja za naše odbojkašice 🏐🏐

❤️ Čestitamo našim učenicama i njihovom mentoru!



3.12. 2025. ·

👥 Učenici prvog razreda naše škole, u pratnji svojih profesorica, posjetili su Bosanski kulturni centar i pogledali predstavu „Sretan rođendan“.

🎬 Predstava na zanimljiv i poticajan način prikazuje savremene porodične odnose, izazove odrastanja te utjecaj društva na mlade, što je čini posebno vrijednom i poučnom za naše učenike.

AKTUELNOSTI

3. 12. 2025. ·

🏆 🎬 Učenica naše škole, Sofia Stojanović, osvojila je 2. mjesto na Konkursu za najbolji film na temu „Volan nije džojстик“, koji je organizovala **Fondacija Proljeće**.

👏 Čestitamo Sofiji na sjajnom uspjehu i kreativnom ostvarenju!

👉 📺 Film možete pogledati na našem YouTube kanalu.
https://youtu.be/jc3I630Rc_M?feature=shared



4. 12, 2025. ·

👤 🧪 Učenici odjeljenjske zajednice II-c i članovi dodatne nastave iz hemije, zajedno s profesoricama Minelom Pezić i Aurelom Memić Humić, organizovali su radionice posvećene obilježavanju Svjetskog dana borbe protiv AIDS-a.

! Poseban akcenat stavljen je na važnost informisanja mladih o rizičnim oblicima ponašanja i posljedicama koje iz njih proizlaze. Kroz razgovor, prezentacije i aktivno učešće, učenici su imali priliku proširiti znanje i razviti svijest o ovoj važnoj temi.

AKTUELNOSTI

4. 12. 2025. ·

📖 Naša škola je i ove godine dala doprinos manifestaciji povodom književnih susreta “Cum Grano Salis”. U sklopu manifestacije raspisan je i literarni konkurs na temu “Tišina je govor duše” za učenike naše škole.

🌟 Danas je u Domu književnosti upriličeno predstavljanje radova i dodjela nagrada za najbolje literarne radove. Naši učenici pokazali su veliki talenat za pisanje, na čemu im iskreno čestitamo. Prvo, drugo i treće mjesto osvojili su:

🏆 Lamija Mujić, IIIe

🏆 Danis Džaferagić, IVa

🏆 Nejra Mašić, Ib

❤️ Nadamo se da će im ova nagrada biti poticaj za daljnja stvaralačka ostvarenja.
Novinarska sekcija GMS



5. 12. 2025. ·

🌟 Naši dragi nekadašnji gimnazijalci Emina Jakubović Jahić, Nerma Jakubović i Tarik Jakubović pokazali su izuzetan primjer društvene odgovornosti i ljubavi prema školi u kojoj su proveli mnoge lijepe trenutke.

👤 Uz iskrenu želju da doprinesu unapređenju nastavnog procesa i ljepšem okruženju za sadašnje generacije učenika, velikodušno su donirali renoviranje sjedišta u amfiteatrima naše škole. Njihov gest podsjeća na to koliko je važno vraćati zajednici i podržavati mjesta koja su oblikovala naše puteve.

💛 Hvala Emini, Nermi i Tariku na njihovoj nesebičnosti i predanosti. Vaš doprinos ostat će trajna vrijednost i inspiracija svim sadašnjim i budućim učenicima.

💛 **Namještaj Izazov**

AKTUELNOSTI

5. 12. 2025.

🏀 Naše učenice su danas osvojile 3. mjesto na Gradskom takmičenju iz košarke! Čestitamo našoj ekipi i njihovom profesoru ❤️



6. 12. 2025.

📺 Učenici Gimnazije “Meša Selimović” iz Tuzle učestvovali su na 4. Festivalu mira, održanom od 29. novembra do 3. decembra 2025. godine u Vitezu. Festival je okupio mlade iz cijele Bosne i Hercegovine i regije s ciljem jačanja dijaloga, pomirenja, građanskog novinarstva i regionalne saradnje.

👤 Tokom boravka, učenici su imali priliku upoznati ambasadora Slovačke Republike u BiH, Nj. E. Romana Hlobena, kao i inspirativnog paraolimpijskog plivača Ismaila Barlova, čija je životna priča ostavila snažan utisak. Također, su se susreli s poznatim reperom Frenkijem tokom snimanja emisije “Perspektiva”.

💜 Učešće na festivalu donijelo im je vrijedno iskustvo, nove kontakte i dodatnu motivaciju za daljnji aktivizam.



AKTUELNOSTI

8. 12. 2025. ·

 Učenici IV-e odjeljenja su učestvovali u edukativnoj radionici organizovanoj u okviru manifestacije „Naučni festival Filozofskog fakulteta – Odgovor znanja na složene društvene promjene“, uz stručnu pratnju profesorice Alme Harčić. Naši učenici su aktivno učestvovali u diskusijama te postavljali pitanja o savremenim psihološkim i društvenim fenomenima.

 Posebnu pažnju privukla je tematska radionica „Naše pravo ‘ja’: krijemo li se iza maske?“, posvećena identitetu, socijalnim ulogama i mehanizmima samopredstavljanja. Učenici su imali priliku razmišljati o tome koliko zaista poznajemo sebe i kako nas društvene okolnosti oblikuju.



10. 12. 2025. ·

 Naši učenici su na času turskog jezika obilježili Svjetski dan turske kafe. Tom prilikom su čitali i pisali kratke tekstove o tradiciji turske kafe, a kao kreativan zadatak svaki učenik je oslikavao svoju šoljicu.

 Posebnu atmosferu upotpunila je turska instrumentalna muzika (ney, violina), dok su se učenici družili uz turski čaj i lokum. Čas je protekao u prijatnom, toplom i motivirajućem okruženju.



AKTUELNOSTI

11.12. 2025. ·

 Učenici naše škole su sa prof. Selmom Kušljugić realizovali dvije edukativne aktivnosti. Povodom Međunarodnog dana planina pripremili su tematsku izložbu posvećenu značaju planina i očuvanju lednika, pod sloganom „Lednici su važni za vodu, hranu i održavanje života u planinama i izvan njih“, naglašavajući njihovu ključnu ulogu za cjelokupni ekosistem.

 Također, učenici su na Filozofskom fakultetu prisustvovali radionici o Povelji kralja Tvrtka I Kotromanića Dubrovniku iz 1378. godine, Kroz rad u grupama analizirali su njen izgled i sadržaj, s posebnim fokusom na diplomatiku i paleografiju, pri čemu su pokazali veliko interesovanje i znanje.



12.12. 2025. ·

 U srijedu, 10. decembra, našu školu posjetio je predstavnik British Council-a, Emir Omeragić.

 British Council realizuje projekat CybHER, u kojem učestvuje desetak osnovnih i srednjih škola širom Bosne i Hercegovine. Projekat promoviše veće učešće žena i djevojaka u svijetu informacionih tehnologija i cyber sigurnosti, te doprinosi stvaranju rodno ravnopravnijeg okruženja u IKT sektoru.



AKTUELNOSTI

15. 12. 2025. ·

🌳 Učenici naše škole su, zajedno s profesoricama Mersihom Šarić i Eminom Kozlić, svečano obilježili Dan planina u dvorištu naše škole.

🌿 Ispred udruženja Eko zeleni TK, prof. Muhamed Omerović uručio je certifikat direktorici škole Mineli Spahić, kao i knjigu "Ekološka pedagogija". Također, svim učesnicima dodijeljeni su certifikati Eko zelenih za njihov doprinos.

🌳 U završnom dijelu programa, učenici su zajedno sa svojim profesorima zasadili sadnice ispred škole – kao trajni podsjetnik na važnost brige o prirodi i obilježavanja ovog značajnog dana.


🌳 Moto dana: ČUVAJMO PLANINE, ČUVAJMO PRIRODU! 🌿



19. 12. 2025. ·

🔬 Federalni dan nauke obilježava se od 2019. godine, nakon što je Vlada Federacije BiH usvojila inicijativu Federalnog ministarstva obrazovanja i nauke. Izabor ovog datuma nosi duboku simboliku: na dan 12. decembra 1975. godine Sarajlija Vladimir Prelog, dobio je Nobelovu nagradu za hemiju.

🔬 Učenici IV-e razreda su na radionici mikroskopiranja učili o značaju nauke i njenoj važnoj ulozi u obrazovnom procesu, razvijajući radoznalost, istraživački duh i razumijevanje naučnih metoda.



AKTUELNOSTI

20. 12. 2025. ·

📖 U srijedu, 17.12., učenici naše škole su posjetili JU Narodnu i univerzitetsku biblioteku „Derviš Sušić“ i prisustvovali promociji knjige „Ankommen“ (Dolazak) autora prof. dr. Vedrana Džihica. Promocija je većim dijelom bila na njemačkom jeziku.

Kroz ličnu priču o dolasku u Austriju kao izbjeglica 1993. godine, autor je govorio o pripadnosti, identitetu, diskriminaciji i izazovima integracije, ali i o snazi obrazovanja i društvene odgovornosti.



22. 12. 2025. ·

📌 Završnu radionicu u sklopu saradnje Gimnazije “Meša Selimović” i CENSOR BiH realizirala je profesorica Nadina Iširlija za maturante koji pohađaju izborne predmete Matematika/Fizika.

💬 Cilj radionice "Vodič za studente" bio je pružiti praktične i korisne informacije o pripremama za studiranje van mjesta stanovanja – od pronalaska smještaja, osnovnih troškova i studentskog života, do važnih pitanja poput zdravstvenog osiguranja, ugovora i prava studenata.

🎯 Posebno interesovanje učenika izazvala su iskustva bivših gimnazijalaca koji trenutno studiraju van Tuzle. Njihova lična zapažanja i savjeti o tome na šta obratiti pažnju pri odlasku na studij van svog mjesta pokazali su se izuzetno vrijednim i inspirativnim za buduće studente.



AKTUELNOSTI

22.12. 2025. ·

 Proteklog vikenda naši učenici su učestvovali na **Futures Leaders Summit**, konferenciji koja povezuje lidere u usponu s lokalnom ekonomijom i globalnom zajednicom u Bosni i Hercegovini.

 Tokom summita učenici su imali priliku da upoznaju stručnjake iz različitih oblasti, slušaju inspirativna predavanja, učestvuju u diskusijama i razvijaju vještine važne za njihovo lično i profesionalno usmjerenje. Ovakvi susreti za naše učenike predstavljaju snažan izvor motivacije, inspiracije i edukacije, ali i priliku da šire vidike i grade samopouzdanje.

 Iskreno se zahvaljujemo **Bosnia & Herzegovina Futures Foundation** što su našim učenicima omogućili ovo sjajno i nezaboravno iskustvo.



23. 12. 2025. ·

 Naši učenici su, zajedno sa profesoricama Sanelom Kadrić i Emirom Ljubunčić, nastavili tradiciju odlaska na balet te su ovog vikenda uživali u baletnoj predstavi „Krcko Oraščić“ u Narodnom pozorištu Sarajevo.

 Sjajna baletna izvedba, vrhunska muzika i čarobna atmosfera ostavili su snažan utisak na sve prisutne i još jednom pokazali koliko su ovakvi kulturni sadržaji važni za naše učenike.



AKTUELNOSTI

24.12. 2025. ·

 POZIV ZA UČENIKE 8. i 9. RAZREDA OSNOVNIH ŠKOLA

 Zanima te programiranje, tehnologija i rješavanje problema?

 Prijavi se na 5. ZIMSKU ŠKOLU PROGRAMIRANJA i napravi nove korake u svijetu koda!

 Datum: 12. – 15. 01. 2026.

 Vrijeme: 9:00 – 13:00

 Mjesto: Gimnazija "Meša Selimović"
Šta te očekuje?

-  Učenje kroz praktične zadatke
-  Razvoj logičkog razmišljanja i kreativnosti
-  Druženje s vršnjacima

Prijave 
<https://docs.google.com/.../1FAIpQLSfjtJFCIt6xuf.../viewform>

 Broj mjesta je ograničen – prijavi se na vrijeme!
Vidimo se u Zimskoj školi programiranja!



The poster is blue with a network pattern. At the top right is the logo of the Ministry of National Education of the Republic of Serbia. The main title is "5. ZIMSKA ŠKOLA PROGRAMIRANJA" in white. Below it is the location "GIMNAZIJA 'MEŠA SELIMOVIĆ'" with a location pin icon. In the center is an icon of two heads with a question mark. To the right of this icon is the text "UČENICI VIII I IX RAZREDA OSNOVNIH ŠKOLA". Below the central icon is the date and time "12. - 15. 01. 2026. 9:00 - 13:00". At the bottom are two icons: a globe on the left and a QR code on the right. Below the QR code is the text "PRIJAVITE SE!". At the bottom left is the sponsor logo "SPONZOR -personify HEALTH".

AKTUELNOSTI

26. 12. 2025. ·

🔔 **POZIV ZA UČENIKE IX RAZREDA KOJI POHAĐAJU DODATNU NASTAVU IZ MATEMATIKE**
Voliš izazove, brojeve i logičke zadatke?

📅 Pridruži se Zimskoj školi matematike i oštiri svoje matematičke vještine kroz zanimljive i interaktivne radionice!

📅 21. – 23. januar 2026.

🕒 09:00 – 13:00

📍 Gimnazija “Meša Selimović”
Šta te očekuje?

- 💠 Matematički izazovi
- 💠 Zagonetke i logičke igre
- 💠 Timski rad uz podršku profesora

Broj mjesta je ograničen – prijavi se na vrijeme 📌
<https://docs.google.com/.../1IKrdF9lKgxsDqdXn.../viewform...>
Radujemo se vašem dolasku!

26. 12. 2025. ·

🎀 U prazničnom, toplom i bajkovito uređenom ambijentu naše škole, danas smo realizirali podjelu paketića za najmlađe i aktivnost pod nazivom „Advent GMS“.

🌿 Dio atmosfere upotpunili su mirisi toplih napitaka

☕ i domaćih kolačića 🍪 koje su s mnogo ljubavi pripremili članovi Etnološke sekcije, uz podršku roditelja i profesorice Azre Kopic.

🌟 S posebnom zahvalnošću ističemo Vijeće učenika, kao i profesorice Azru Kopic, Belkisu Hasanović, Almu Berbić i Mirelu Šehović koje su svojim donacijama, trudom i posvećenošću utkale toplinu i radost u ovaj događaj.

💖 Upravo zahvaljujući zajedništvu naše školske porodice, atmosfera je bila ispunjena osmijesima, dječijom radošću i pravim prazničnom duhom.



GIMNAZIJA "MEŠA SELIMOVIĆ"

ZIMSKA ŠKOLA MATEMATIKE

Iskoristi priliku!

Kada?
21.1.2026.
22.1.2026. **od 9:00**
23.1.2026.

Gdje?
Gimnazija "Meša Selimović" Tuzla

Skeniraj i prijavi se!

- ✓ Zanimljiva predavanja iz matematike
- ✓ Radionice i aktivnosti iz matematike
- ✓ Ogledi i radionice iz fizike

ASA CENTRAL OSIGURANJE **Coca-Cola HBC** **BROJ UČENIKA JE OGRANIČEN!**



AKTUELNOSTI

27. 12. 2025. ·

  Sat kodiranja i Evropska sedmica robotike su događaji koji za cilj imaju upoznati učenike/ce naše škole sa svijetom programiranja i robotike. Tim povodom Aktiv informatike je u periodu od 08.12.2025. godine do 12.12.2025. godine organizovao časove kodiranja gdje su učenici podstaknuti da na kreativan način razvijaju svoje digitalne vještine.

 19.12.2025. godine učenici završnog razreda IT su posjetili eMPIRICOM Visoku školu računarstva i informatike gdje su u okviru Sata kodiranja i Evropske sedmice kodiranja imali edukaciju i time postali dio globalnih edukacijskih događaja.



28. 12. 2025. ·

 Povodom obilježavanja 100. godišnjice rođenja književnika Derviša Sušića, učenici odjeljenja Ic, zajedno sa profesorom Ervinom Mujabašićem, posjetili su Narodnu i univerzitetsku biblioteku „Derviš Sušić“ u Tuzli.

 Učenici su se upoznali sa životom i književnim stvaralaštvom ovog značajnog pisca, kao i s njegovim najvažnijim djelima i doprinosom bosanskohercegovačkoj kulturi. Posjeta je protekla u ugodnoj i edukativnoj atmosferi te doprinijela razvijanju kulture čitanja i svijesti o očuvanju književne baštine.



AKTUELNOSTI

29. 12. 2025. ·

✨ Danas smo, s puno emocija i ponosa, ispratili u penziju našu dugogodišnju profesoricu Nevzetu Karać – ženu koja je decenijama utkivala znanje, strpljenje i ljubav u generacije učenika naše škole.

💖 Profesorice Nevzeta, iza Vas ostaju nebrojeni sati poučavanja, životnih mudrosti i podrške koji su oblikovali generacije mladih ljudi i njihove životne puteve. Vaša iskrena posvećenost ostavila je neizbrisiv pečat, ne samo u školskim klupama, nego i u srcima onih koje ste učili i nadahnjivali.

✨ Hvala Vam za svaku ohrabrujuću riječ, za strpljenje i energiju uloženu u obrazovanje, te za to što ste bili primjer kakav nastavnik i čovjek treba biti. Vaša ostavština nastavlja živjeti u svima koji su imali čast učiti od Vas.

💖 Sretna penzija, draga profesorice!



30.12. 2025. ·

📺 Vijeće učenika realizovalo je novogodišnju aktivnost „Jedan slatkiš, jedno dijete“.

U ponedjeljak, 29.12.2025. godine, podijeljeni su paketići za svih 66 štićenika Doma za djecu bez roditeljskog staranja, pažljivo pripremljeni prema uzrastu.

💖 U pratnji prof. Berbić Alme, učenici Emin, Nensi i Mia prenijeli su u ime svih učenika gimnazijsku ljubav i pažnju svojim prijateljima.



AKTUELNOSTI

30. 12. 2025. ·

🌟 Danas smo s velikim zadovoljstvom ugostili predstavnike **Komora magistara farmacije Tuzlanskog kantona**, koji su tom prilikom našoj školi uručili izuzetno vrijednu donaciju opreme za unapređenje nastave hemije. Ova podrška značajno će doprinijeti kvalitetnijem izvođenju laboratorijskih vježbi i modernijem, praktičnom pristupu učenju prirodnih nauka.

👉 Posebno se zahvaljujemo Meliki Kavazović, predsjednici Komore i Draganu Nikiću, sekretaru Komore na ovoj značajnoj saradnji. Vaša posvećenost obrazovanju mladih i unapređenju školskih uslova primjer je istinske brige za zajednicu. Hvala što ste partneri u znanju i budućnosti naših učenika!

31.12.2025. ispraćamo sa čitaocima generacije 🎀

📖 Projekat "Čitaoci generacije" pokrenula je 2008. godine profesorica Amira Hasić, s ciljem motiviranja učenika, razvijanja ljubavi prema knjizi i čitanju, njegovanja zdravog takmičarskog duha te promovisanja pravih vrijednosti među mladima.

🏆 Zlatni čitalac generacije 2022–2026.

Emina Sarajlić, IV d

Na izradi panoa koji predstavlja učenike – čitaoce generacije, radili su članovi Bibliotekarske sekcije i likovno nadarene učenice:

🌟 Emina Hasanbegović

🌟 Elma Zukić

🌟 Zerina Husagić

🌟 Amila Delalić

🌟 Ela Bekić

🌟 Kanita Omerović

🖋️ Na pripremi sadržaja radile su i članice novinarske sekcije:

🌟 Sarah Kapidžić







**5. ZIMSKA ŠKOLA
PROGRAMIRANJA**

 **GIMNAZIJA "MEŠA SELIMOVIĆ"**

 **UČENICI
VIII I IX
RAZREDA
OSNOVNIH
ŠKOLA**

**12. - 15. 01. 2026.
9:00 - 13:00**

PRIJAVITE SE!

SPONZOR
 **-personify
HEALTH**

